

石溪集卷二

男滁州儒學學正蒙編集

奉議大夫順天府治中前金華府通判人劉實校正

奏疏 講章 表 再疏

正統辛酉奏疏



翰林院侍讀臣周叙謹 奏為興學校等事臣惟為治

貴於急先務欽奉 詔書今後凡軍民一應利病該載

未盡者許諸人陳言臣以菲才叨侍經筵一得之愚無

任惓切不敢泛言無益之事謹擇政務所當先急者開

坐謹具奏聞 一興學校臣聞成周盛時武王都鎬先

建辟雍講學行禮人 設既成大學首善之地宜先脩

葺切見今國子監各堂已就頽圯且規模狹小不足以容生徒宜令工部除大成殿及堂廡完整者仍其舊貫其餘號房饌堂倉庫及師生廩餼俱照南京國子監規制建置舉行庶教養有所士類增氣夫表端則影正師道立則善人多今既擇翰林院學士李時勉為祭酒其在監各官有老疾及學問不充者宜令祭酒會大臣擇而更易之復俾在廷群臣舉天下教官年四十以上德業充備者驛召至京考察精審分補其缺庶學官得人師道崇重夫琢玉以成器蓄林以資用非具員應故事之選也其諸生已在學者習經義外宜令兼習一書

治民治兵之法其數之類月考季試俟文藝通曉隨才選用未至者宜令天下提督學校風憲官不論食廩年月淺深惟考擇其德行才學優等者充貢復令翰林院分南北士嚴加考試而登進之其在京公侯駙馬伯武職二品以上之家應罷子孫年及十六五以上者及在京文職七品以上之家俊秀子弟通習三場禮部嚴加考試中式者許令入學庶生徒待人不負教養夫制器必由規矩為學必有程式今之學規傳布未廣宜令翰林院儒臣及國子監祭酒取先儒程端禮所編宋儒朱熹讀書工程附以見現卧碑教條等事討論至當類

為一編刊印遵守仍行天下提督學校風憲官各刊印
頒行學校及社學俾悉通知依式訓誨每歲會試副榜
舉人選年二十五以上文學優等儀矩端重者授以冠
帶令於國子監讀書肄業如監生例升堂會講每季祭
酒司業考其德行文藝歲終第其高下聞之朝其優者
為府州學正官次者為縣學正官及訓導除授之後以
所編教條一書令赴內府領受或量加道里費賜之到
任每三歲令提督學校風憲官奏舉其師範端嚴教道
有方者類進付吏部俟九載考滿參稽其績不次擢用
以示獎勸且每三歲所選舉人數必定分天下為政司

按察司及有司勸誘儒士年三十以上有材良行清精
通經業堪為師範者舉送吏部赴內府考試中式仍賜
冠帶送國子監俟歲終第其高下選授一如舉人之例
今後年老揀退監生不宜聽令告試除授教職庶為師
知所以教弟子知所以學道德一風俗同而人才盛矣
一勸農桑臣聞禮義生於富足民無常產則無常心古
者聖賢論王政之要必以此為首務欽奉詔書訓戒諄
切美臣愚竊見有司急於簿書期會者多留心民事者
少自今宜令吏部考覈有司加農桑興廢一條為殿最
每歲布政按察二司各一員提督巡按監察御

史及提督學校風憲言數實其有田土荒蕪山林采棗
不茂勅奏有司及原提督官加之罪罰降其職任其有
成效者亦具陳奏或賜勅增祿以褒嘉之庶有司相效
盡心不至視為文具且山林川澤古者與民共之而有
屬禁今江北宜棗棗或野曠彌望江南宜竹木魚蝦或
山重澤洄地利非古今異宜第因長養不時禁戒不嚴
兼之官司科徵促迫供給絲夥致物產不遂今後責令
有司省諭里老山林川澤之利必加禁長牛羊雞豚之
畜勿使失時凡民蓄積多樹畜動者令里老申達有司
復其身一年或二年其游手末作怠於是者則罪罰及

之庶激勸有方民知自力孔子謂因民之所利而利之
者此也宜令翰林院同戶部禮部官取農桑撮要藍田
呂氏鄉約凡切於民用等書講求至當附以國朝以來
教民利用厚生典訓為一書刊印俟天下朝覲官及考
滿復任者各領一本付之仍令各布政司刊印廣布民
間俾之遵守庶人知樹畜早晚之節相親扶助之道民
之厚而禮義興矣一慎銓選臣聞安民必本於知人
任官惟在於賢神唐虞三代致治之盛率由此道方今
用人之術視古已詳但行之歲久不能無弊臣愚以為
宜先其所當急者而後舉之吏部為任官之本須精選

四方賢才兼用不宜偏任一方之士庶人之才行可以
周知本部各司官除授之際必六部都察院堂上官會
議其人允協輿論者而後任之都察院為耳目之司宜
精選南北賢才兼用監察御史之選須由進士舉人監
生出身任內外七品以下官一考兩考到部才行政績
優異者從吏部簡拔送都察院試事請練引赴內府本
官及吏部翰林院堂上官公同出策問彈章行移各
處考試中式者銓授不堪者俾復原任守令牧民之任
尤宜知州宜令在廷大臣惟賢是舉毋避見任知縣吏
部精選進士監生及學官有治才者兼用考課為知

人之要天下考滿官至者所司如例考其功績詳其
舊說吏部堂上官一員文選考功官各一員同居一處
置在簿冊令布政司按察司官陳說各府州縣官之賢
否實跡先守令次佐貳官備書以俟覆實其府州縣正
官及佐貳官素有聲望者亦以此詢其所屬備書俱俟
覆實至為陞黜其九年通考官於一考兩考內曾經覆
實過者即如例銓授都察院遇各處方面官考滿至者
堂上官一員同輪直監察御史一員如吏部法詢問備
于冊歲終別錄一本送吏部稽考凡監察御史出巡
必令察舉方面官及實跡造冊於復

命之日進繳仍存副本付吏部稽考凡考滿官在京七品以上在外方面及守令俱令吏部引赴內府俟皇上親加詢問務俾具本陳說政務缺失民情利病令經筵官輪直給事中紀載各官既得奉用此蓋唐虞各官既得奉天賴靈各官既得奉改行人懷嚮用之心庶政務理民生安國家治化日益隆矣

正統癸亥奏疏

翰林院侍讀臣周叙謹題為陳言事臣聞

人君之道莫大於奉

天而勤民人臣之職惟在於輔君而成化古聖人克盡斯道者莫逾於堯舜之時其敬天也一則曰欽若昊天一則曰勅天之命惟時惟幾其勤民也一則曰下民其咨一則曰黎民阻飢而其臣若臯禹之進言於上者有曰一日二日萬幾天工人其代之又曰德惟善政政在養民致謹天民不一而足故雖有洪水之災不能害其盛治蓋奉天為勤民之本而克勤乎民者即所以奉順乎天也唐虞之朝治臻熙皞德冠帝王者君臣上下朝夕一念在此而已欽惟

皇帝陛下聰明天縱且新備堯舜大聖之資承
祖宗混一之統即位以來宵旰圖治敬天勤民孜孜弗
懈比者經筵講退特召翰林暨禮部臣以天旱無雨責
躬引咎命齋戒致詞禱祠 天地 宗廟 社稷以及
山川百神為民祈福果三日微雨響答
皇上一念之誠感格之妙同符堯舜猗歟盛矣然而雨
澤未大數禾稼未沾溉民生未滿望者

皇上有是念而臣下不能欽承德意盡助成化理之責
耳臣惟天者理之所自出敬奉乎天豈特潔祭祀之謂
民者邦之本致勤乎民豈特救凶荒之謂天不自治而

付之君君不獨治而分理于臣臣得其人人盡其職則
百度順理政乂民安而天意可回陰陽調風雨時百穀
登品物遂沴氣不作螟蝗不生海內晏安四夷賓服可
致之祥希有之瑞莫不畢至矣臣謹撫所聞見條其一
二之槩言之古者天災水旱日食星變人君恒引咎自
責下詔求言今 聖諭諄切若此輔臣雖不能將順盛
美宣布于下而 聖心已上格于天災古者因此臣庶
多思陳闕政上聞以消天譴今群臣未聞有共致憂懼
效忠補過之疏徒聞有年老陳情自乞留用之章掌銓
選者賢否未廣於咨尚弊黜每循於資格司國計者農

素生植不加勸而賦私科征日益增軍士困於造作刑
罰失於中正風憲之激揚之公言官唯緘默之尚至若
道之流無益政教歷代相目有難遽革洪武定制舊
有額數比年冗濫多至數萬徭役之人戶口日耗蠹損
國政感傷和氣莫此為甚職教化者曾不思禁是皆不
順乎治理者也其他則臣聞見淺狹不能備述夫不順
乎理即不順乎天不順乎天烏能無旱乾之應乎臣聞
近年流民衆多畿甸諸府若保定真定山東諸府若東
昌青州車輛連綿扶老携幼風餐露宿流徙他方推原
其故水旱不時有司不恤或窘衣食或迫徵徭皆不得

已而往者夫安土重遷人情之常倘生業稍安詎肯離
父母之故鄉而涉艱難之遠途乎近者若斯遠尤可想
流移不止為患叵測古者或以八計聽吏治或以六事
課守令必視戶口豐耗墾田盈縮學校興舉農桑有成
等事為其績殿最以俟黜陟今率勵其上者在畿甸有
巡按監察御史在外有布政按察二司惟以簿書期會
辦者為稱職以奉承趨事勤者為能官於所謂戶口消
耗田野荒蕪等事略不之問則有司何所懲民生何由
安乎此不能勤乎民事之大端也夫天聰明自我民聰
明天明畏自我民明或大人一理通達無間民心所存

即天理之所在民生。即天心之不順。欲求雨澤之時。得不思原於此乎。伏望

皇上渙發玉音。祇謹天戒。再事懇禱。且勅文武群臣。勉脩厥職。申嚴考課。黜陟之法。講求養兵恤民之政。由是可以弭天災。熙鴻化。隆國家。萬萬年太平之業。於無窮矣。臣愚尤思效一得之獻。者風憲為耳目之司。守令任無字之寄。關係治體尤切。皆宜精嚴其選。若風憲得人。則守令自職。凡御史出巡歸朝。必令具考察有司賢否實蹟。進呈。因以驗其糾舉之公。當與否。而其職之稱不稱。可知。凡天下方面及守令。考滿至京者。每月一二次。

令吏部官。考赴御前。使各具陳民間疾苦。政事得失。

皇上親賜質問。其政績果優異者。特加褒賚。餘則付吏部考驗。其實奏聞進退之如此。則人情奮勉之心。今日之治。可以追配唐虞之盛矣。尚何早曠之足慮哉。臣性質駑鈍。學識疎淺。愧忝班行。濫食俸祿。實所謂不克稱任。理宜黜退者。然荷蒙

聖恩。叨侍經筵。愚忠倦倦。不敢以越職有所顧避。謹陳

所聞。干瀆天聽。伏乞 聖慈。恕其狂妄。寬其斧鉞之

誅。臣不勝幸甚。謹具題以聞。

抄 公座事

翰林院侍讀臣某等謹題為正名分事臣聞禮莫大於分分莫大於名名分者朝廷之大防百司庶府之所當詳定而恪遵者也欽蒙

皇上勅令脩建在京各衙門規制煥然群臣欣忭正統七年九月十三日各官俱赴新造衙門視事翰林院以公座未定遂致上違 聖聰今禮部尚書胡濙至院定奪除少師兵部尚書兼華蓋殿大學士楊士奇少保禮部尚書兼武英殿大學士楊溥二員中座訖其餘兼官學士尚推讓不一臣等切惟翰林禮法之所自出其體統原有公會可徵今之公座宜依公會為次正面左一

座楊士奇正而右一座楊溥其在傍第一座禮部侍郎兼翰林院侍講學士王英宜居之右傍第一座翰林院學士錢習禮宜居之其次若學士蘭從善陳循侍講學士苗衷侍講學士高穀馬愉各宜以次設立公座其禮部侍郎兼翰林院侍讀學士王直原在翰林院管事又兼經筵官其官品出處與王英同然近年已專管禮部事本部自有公座難再增設若本官至院宜仍依品級序坐至於太常寺少卿兼翰林院侍讀學士金問自前及今並不曾於本院管事公會亦未嘗一日書押名字難以王英例來本院公坐且俸糧俱在太常寺關支若

欲正座次宜只於太常寺如此則名分正禮法公上不
紊 聖朝建官列職之典下允懋群言推讓之情臣等
忝居翰林院屬官禮儀所關不敢隱避謹采衆議具題
以聞伏候勅旨

正統七年九月 日

次日以此題葉達二閣老初澹菴楊公曲護金少卿
甚不謂然敘稍與辨論繼而東里楊公至慨然曰士
大夫公議不伸久矣所言是命孔目依此行之遂不
復進回識于此

正統甲子奏疏

翰林院侍讀臣某謹題為脩理嶽廟等事臣欽蒙

皇上遣祭南嶽衡山之神臣至衡山及道路往還有所
見聞不敢隱默謹具題知 計開八件 一脩理嶽廟

事臣聞事神治民為政要務臣到南嶽衡山祭祀見嶽
廟頽圯有司見行脩理已經二年惟兩廊僅完正殿尚
未起蓋目詢問之云蒙工部勘合令於農隙之時務從
減省脩理正統八年十二月內已起立正殿中間新柱
頭訖正統九年三月二十三日又被暴風雷雨將新起
殿柱盡行吹倒折壞惟正殿兩邊舊簷柱及少廊尚存
竊詳五嶽之祀自唐虞三代以來莫不崇重脩飭廟祀

禮宜致謹今有司脩瑤南嶽廟惟衡州府委同知一員長沙府照磨一員衡山縣典史一員其餘各縣皆係陰陽醫學官典吏老人管事日循遷就難即成功且其神甚有顯應臣自入湖廣地方見沿江各府州縣皆日早祈禱雨澤經月不降臣於六月十一日欽承上命祭祀畢十二日即得大雨連綿直至十九日遠邇盡一沾足列城萬姓咸共歡忭此實由

皇上一念之誠感格所至亦其神顯應一端也如蒙准言乞勅工部專差本部的當廉能官一員與同湖廣布政司或按察司官一員至衡山相度便宜或增撥附近

府分夫匠或官給一切顏料工價提督脩完庶神靈

依人役不至久困一集議漕運事臣前經過臨清直

至沛縣以南見各閘運糧舡隻以河狹水淺每閘有經

四五日或十餘日方得行者若至北京已越六七箇月

軍士有久勞行役之恩朝廷有虛給月糧之費河上舡

隻有喧爭窒碍之擾甚則有損壞沉溺之虞其事多端

難以悉舉臣愚乞勅文武群臣各陳轉輸經久便利之

策務令集議至當行之且今日雖有武臣總兵者專董

其事尤宜精選文臣才識公廉者授以憲臣之職公同

提督庶糧儲易致人不知勞一激勸官員事臣伏觀

朝廷與民休息一切科徵非急務者盡行停罷息德之
施至矣盛矣而生民尚有流移治化未臻刑措者良由
司牧者不得其人而激勸之法不嚴耳人之才質賢否
自殊賢者固不待獎勵自能奮勵中才之輩若非旌別
有方豈不混同流俗竊見天下義民出穀或千石或二
千石助官賑濟不過暫惠及數十家貧困尚蒙朝廷賜
勅并羊酒褒異今郡縣之官廉能無私勤敏有為嘉政
實惠足以廣被一郡一邑數千萬家者豈無其人而褒
典未稱玉石不辨於是賢者怠而不加勉不才者肆而
不知懲治化未臻其效者亦一之也

治民情莫此為切伏乞勅巡按監察御史及按察司官
審天下郡邑之官不分正佐果賢而有惠教如在已則
廉名著治才優在官則農桑勸墾墾戶口增徵訟簡
徭役均等事綽有明效者具實具詳具報民例再加優
賞其貪暴軟懦者亦令嚴加考察除降職外務盡至公
如此則人知奮勉生民自安治化日盛矣 一分班操備
事臣歸自河上聞南北直隸及山東河南操備軍士每
年分為兩班俾得更休固為良法但自春來者及秋而
歸自秋來者及春而歸在京已過半年道途往返又經
一兩箇月在家之日不滿三箇月一切行裝衣鞋等事

有人者可以措辦無人者不免資賒按諸人情實有未
安臣愚乞勅該府該部令各處操備軍士分作三班俾
年半之中有一年全力在家得此事屯種務生業庶資
來歲操備之用其間三班數少可令從公揀選添補如
此則更休便益勇氣自信 一選用吏員事臣竊見國
家任用人才雖非一途而各有限制如進士每三年科
與天下各布政司及禮部會試俱著為定額惟吏員每
遇一選不下二三百人及考試之時量其高下取用不
拘名數冠帶盈途殊為冗濫伏乞勅該部著為定額如
一百名內限取本等幾何等幾何庶幾僥倖路絕選

法清簡自今以後宜行移天下凡吏人有能通經者方
許本等內取用則自相激奮賢才可得 一詳定徭役
事臣聞自古徭役之法其便者有二端或雇役或差役
皆因民情風俗之宜而施之近年臣下建言定為均徭
之例名曰均平實則多弊如皂隸弓兵本為賤役今挨
定年分輪充雖舊家士族皆令為之有司膠固者成貴
賤不分之俗奸巧者縱更易取賂之謀又如鋪舍之設
以傳遞公文飛報軍務不為不重今亦挨令輪充或以
離鋪寫遠之人承役或以全無丁力之家當鋪以致鋪
舍頹塌公文稽違是皆臣經過處所耳聞目見者伏乞

勅該部將均徭之例定議詳審行移有司令可均者行之不可者更之庶人情兩便弊端自除 一積糧募兵事臣聞孔子論為國必曰足食足兵今天下一統所在兵甲精利倉糧充羨實國家萬年太平之業臣切見近年旱澇不時宜思預防江南糧儲淺船漕運固已足用但春末夏初河水狹淺倉猝難致若將數年以來江南折糧銀兩於臨清以北漕運便利城池高固處所遇年歲豐熟兩平收糴置倉積聚其荒閑田地亦多設法募人耕種則運輸便益國用自足今之軍士除運糧守城保備外其天下清理至者補役夫久逃亡已多臣聞

精兵滿萬不如召募數千宜令兵部與五府計議出榜召募有壯勇願充軍役者厚其本身糧賞蠲其一丁二丁雜徭亡故不取本戶丁男補伍則軍旅得人國威益振兵食大事臣愚識見鄙陋伏乞勅左右大臣詳加定議庶永有利賴 一振興科舉事臣惟賢才致治之本科目得賢之階歷代及今輔國安民恢弘治化者多出是途然必典文衡者才識文學有藻鑑之公而後去取審允得豪傑之士臣所經過布政司皆云遍請考官得人甚難臣切思學行純備之士一時難知今後宜預先令在京七品以上官員及天下朝覲官至者一一開報

某處其官不分有司教職妻係操行端莊文學老成堪任考官者呈達禮部俟同翰林院詢訪精確每遇開科之時其主文考官禮部量各處布政司地里遠近不分在京在外職事以時奏請差人禮請馳驛往總其事其同考官則悉令各布政司自行如舊禮請庶幾考官崇重所在科目得人且自宣德以來各布政司已行限定額數人皆務本力學無復佻倖然有志之士久困場屋累試不偶者有之臣聞洪武乙丑永樂甲申二科皆特開廣取士之目恭惟 皇上嗣統丕昭文運正值甲子一周之年倘蒙如洪武永樂初科故事暫行廣取後不為

例庶士氣增新學者知奮宿興重務臣愚冒昧陳達伏乞 聖裁

建言孝道事

具官某謹奏為孝道事臣聞人之行莫大於孝古今為治之道亦莫不以是為首務恭惟聖朝以孝治先天下凡居官者忠孝之道務令兩全恩德之施至矣盛矣伏見近年以來所司行移於人子孝親之情有所未便風化所關理當建白謹開具以聞 一給假事臣聞洪武年間及永樂初年在京官員多有歷任三年者許令給假歸家省親洪熙元年 詔書令挨次給假省親祭祖

又定頒給路費之例近年以來再有給假者所司以其已常歸省一次不容再給往有親老至病死不獲重見者實傷孝道臣聞古人有三年不歸省者斥之謂其既不能致孝於親必不能盡忠於國也如蒙 准言今後在京官員除已挨次給假省親祭祖外其有父母見存六十以上本官再歷任過六七年以上願歸省者查無任內曾因公差順便回還許又行給假路費止闕一次後不再給其父母不存本官歷任過十年以上有願給假祭掃者聽路費亦止闕一次皆如常行事例庶為便益 一丁憂事凡在京官員聞父母喪例應闕給勘

合還家守制今南京官員聞喪者皆前來闕給勘合或有省親在家遭喪者亦行赴京闕給然後准歸守制臣聞人子喪親哀痛迫切聞訃奔走日行百里今雖限於法制亦不宜從容往返有乖孝念如蒙 准言今後在京官員聞父母喪宜如常例其在南京官員預領勘合於南京該科收貯遇有聞喪者照例給付不必再行赴京該科俟年終類奏其若省親在家聞喪於所在官司告申本部俟服滿依期赴京免給勘合又在京官有聞喪還家守制者於辭謝之日止許便服免用公服庶為便益

宣德五年八月 日

講章

僕臣正厥后克正僕臣諛厥后自聖后德惟臣不德惟臣

這是周書記周穆王命伯冏為大僕正誥命之詞后是說人君諛是說人臣諂諛自聖是說人君自以為聖穆王說陪僕執御之臣皆是正直的人必能箴規諫諍陳善閉邪則人君在上言無過言動無過舉其身必能自正若陪僕執御之臣不是正直的人只務阿諛諂佞左右迎合則人君有過不聞有失不知自以為聖德全備

無所不通任意肆情無或止遏其身如何得正所以僕臣正厥后克正僕臣諛厥后自聖蓋人君之能成就其德者實本於近臣之賢不能成就其德者實本於近臣之不賢所以穆王又總申說后德惟臣不德惟臣其言僕臣之賢否係乎君德之輕重如何也考之宋儒呂大臨有曰自古小人之敗君德為昏為虐為侈為縱曷其有極至於自聖猶若淺之為害穆王獨以是蔽之者小人之盡其君必使之虛美熏心傲然自聖則謂人莫已若而欲予言莫之違然後法家拂士日遠而快意肆情之事亦莫或齟齬其間自聖之證既見而百疾從

之昏虐縱侈皆其枝葉而不足論也其推明自聖之說
至矣盡矣臣惟左右近習之臣其有關於君德甚大然
非止賴於一人之賢必其長屨大小俱得正人而後可
故周公作立政而歎綴衣虎賁知恤者鮮孟子告宋臣
亦言在王所者長幼卑尊皆薛居州王誰與為不善仕
正所者長幼卑尊皆非薛居州王誰與為善是則自古
聖賢莫不憐、以揀擇近臣多求正人為言不特穆王
於此命伯冏欲其慎簡乃僚也伏望 皇上親近正士
日新聖德以隆國家萬、年太平之業天下幸甚
右書經講章一通敘先蒙少保澹菴楊公分題撰進

葉成公見之再三却不用敘謂所講經題何任公曰
時不同也乃改命他講官撰別章以進曰不忍棄附
著于此若三日講章俱類入內閣茲不及錄云
表

陳情省母疾表

翰林院編脩臣周叙誠惶誠恐誓首頓首上言伏以
聖人臨御宏施一視之仁恩德政維新用廣百王之孝
聖風化所係臣庶均惟恭惟

皇帝陛下文武聖神聰明濟哲欽承大統謳歌朝覲之
咸歸恪守舊章禮樂法度之畢舉以仁義為治本啓前

每逮於儒臣謂忠孝為常經戒勅恒勤於
聖訓凡在照臨之下悉竭熙皞之中臣叙爰自弱齡即
思宦達一科獲進雖酬志養於嚴親十載離家實切憂
懷於慈母緣母素嬰於疾疢而餘年又迫於衰遲歲月
蹉跎承歡靡及風波險阻致養何由近得家書數稱
為憂疑無計驚恐心步趨或失於故常定省屢形於
夢寐有懷陳請無任戰兢伏望

聖慈特垂矜憫鑒臣愚歎俾暫歸寧少伸烏鳥之情允
賴鴻恩之庇况臣父昔叨於眷遇而微生久荷於甄陶
塵水玉堂時稱清切金門丹宸日邁光華雖隕軀報稱

以未違吳私已言還之可異臣端母病敢云暫離於班
行毋得臣婦庶可少寬其念慮劬勞欲報懇悃莫殫承
穎倘遂於膝前趨事即歸於闕下臣雖沒齒豈勝感戴
於皇仁身為壯年永願竭忠於昭代臣無任瞻天仰
聖惶懼迫切之至謹上表陳情以聞

擬復命謝恩表

具官臣某上言伏以

明良際遇深恩克念於始終海宇雍熙至治悉興於孝

躬行中外喜溢臣民恭惟

皇帝陛下聰明天縱孝友日彰明德新民齊堯湯之大

聖問安侍膳同文武之小心謂輔理之必得賢左右恒
專於委寄請待臣之必以禮存亡屢荷於褒崇人紀弘
脩皇仁溥遍致俾草茅之賤亦沾雨露之榮臣族兄
迪風自學官擢居近侍金門待詔日親近於光華玉殿
宣時叨蒙於眷顧自念獲千載遭逢之嘉會今當竭
寸勞補報之微忠奈何賦命不遐遽爾抱病竟殞備文
天上謬驚名促於赤虬作賦日邊尚想神依於丹鳳過
蒙宸衷之悼念特隆卹典之寵嘉寶楮盤龍濟窮途於
寡釋仙舟泛鷁歸旅親於鄉閭兼命微臣俾全弟職護
送克伸於已志優容實出於天恩朝野同歡幽明共戴

且臣叙慈親卧病淹延已閱於一年久官崧寧侍養
逾於兩月雖未盡返哺劬勞之報幸少殫臨終訣別之
情感德自天嗚哀無地臣切思忝登科第濫祿詞林仕
歷三朝愧書事紀言之秩身微一芥竊孝親弟長之名
表正影端實本聖人之立極風行草偃遂令率土之
歸仁允賴甄陶倍深感激罄犬馬忠忱於此日期消埃
或稱於將來日月光輝頌祝萬年之
壽乾坤廣大永隆億世之
皇圖臣無任瞻
天仰聖激切屏營之至謹奉表稱謝以聞

奏疏續

正統丙寅奏疏

南京翰林院侍講學士臣周敘謹奏為修書事臣聞世遠而議公事久而論定故前代之史必修於後人而議論之正每資於直筆是以孔子之春秋特書王正於元年之首朱子之綱目分紀僭竊於甲子之下定名而正身夏而外夷不以勢有強弱而殊分不以地有偏全而異稱觀夫黜五伯之權貶吳楚之號躋蜀漢而抑魏吳先江左而後北魏可見矣何也史之所載實天命人心之所在而萬世綱常之攸係不可以毫髮紊故也竊觀宋遼金三史成於前元至正間當時柄國大臣皆遼金

族類不以正統歸宋遂分列而為三且不曰宋遼金而以遼金加於宋首不愜人心不協公論初修之際言者雖多而卒莫能改流傳至今又越百年凡及貞儒名有志於窮史學正綱常者未嘗不掩卷憤懣撫膺動歎也蓋宗承中華之統禮樂教化之隆衣冠文物之盛仁義忠厚之風三代以降之所僅見不幸遼金二虜迭擾其間後雖南渡而天命人心實所歸附盛烈弘綱難以泯沒元儒陳桎修通鑑續編既正其統但是編年之體而三史全書尚仍其舊况宋史文字繁複板本後毀此當釐正得布之不可緩者也洪惟天啓皇明篤生我一

大祖高皇帝聖文神武芟刈群雄混一四海接唐虞三代帝王正傳之統革晉唐歷代華夷淆雜之俗聲明文教郁郁泯泯振古之所未有 聖聖相承垂熙累洽皇猷日宣政教愈隆其間制度文為多矣獨此一書尚未衷豈非盛美之典須久而興正有待於今日哉欽惟皇上負大有為之資承列聖之統日御經筵屢命儒臣講論宋史以資治道宋之明君賢臣事蹟何幸晦於昔而顯於今乎惟昔唐太宗因何法盛等所撰晉史重加纂錄而後紀載有倫宋仁宗因劉昫所撰唐史再命編集而後義例益精皆以世事久遠故議公而論定也臣

竊謂宜於斯時以三史之書歸統於宋取唐宋二朝刪改之義宗仲尼朱熹子奪之法俾統紀之道明夷夏之分定則前代未公之典萬世不刊之功皆有賴於聖明之朝矣豈非世教之大幸哉臣曾祖聞孫當前元初修三史時被薦入館閣以議論不合辭去所藏論說間有存者臣叨職翰林三十餘年曩者屢欲陳情不果蒙聖恩遷擢南京職務優閑不勝感戴已將宋史錄本時加覽觀得其一二切思補報無由伏乞聖諭俾翰林儒臣以三史考訂歸一若朝廷編纂事多有所未暇臣雖才學疎淺且年衰多疾實不克堪第居靜專之地

碩場犬馬之勞如蒙准言乞擇文學老成之臣一人至
南京翰林院委同與臣再選舉南京文職中有學識官
員三四人不妨本職共加討論俟繕寫進呈仍乞勅翰
林儒臣重行訂正板刻以傳庶使天下後世得見有宗
一代全書皇上下德鴻名匹休天地觀乎煥然垂耀無
窮臣等亦幸叨依日月之光於編簡之末夫豈唐宗君
臣所得專美於前哉干冒天聽無任悚懼戰兢之至具
本順差南京兵部辦事官陸永全齎摺謹具奏聞伏候
勅旨

正統己巳奏疏

侍講學士臣周敘謹題為建言事臣伏觀正統十四年
六月二十一日詔書內一款各處凡有軍民利病及邊
務事宜政務缺失許諸人直言無隱欽此臣於此見
皇帝陛下之心即唐堯詢于芻蕘之心也前此伏覩勅
諭南京群臣以謹身等殿災陛下舉十二事思答省愆
是即商湯因大旱以六事自責之意也陛下景仰堯湯
之大聖承傳列聖之大統即位以來早朝晏息日御經
筵博觀書史講論治道未始或間德已盛矣輕徭減賦
與民休息委任百官撫綏外夷恩已洽矣雖近年閩浙
盜起其首惡旋就擒戮厥今詔書一下平定不日矣然

而災見若此者政詔書所謂上天垂戒國家欲陛下因此與臣下共加修省以綿寶祚於無窮也誕告之次群臣萬姓鼓舞欣抃同口一詞如大旱之遇霖雨飢渴之得飲食何其快哉臣聞之孔子曰德之流行速於置郵而傳命甚言德化之效速也又曰人道敏政地道敏樹言以人立政猶以地種樹其成甚速也董仲舒曰為政不行甚者必變而更化之乃可理也當更化而不更化雖有大賢不能善治也又曰更化則可善治善治則災害自去福祿自来臣愚伏望朝廷於此時政化煥然與之更新赫然為之振舉庶幾孔子所云循道運之掌之易

矣其道無他詔書所謂任官以得人為本者是也若克盡得人之要以居官使將見人人力於事功家家安於耕鑿內政既修外夷自服太平之治復見今日矣臣世荷國恩繼有祿仕又叨居翰林三十餘年陛下不以其凡庸復加遷擢俾佐掌院事于南京感戴美恩殫身難報仰惟宸衷宵旰思警言臣實夙夜不違寧處不自揣量謹竭涓埃有可少裨時政一二者條列上聞惟願聖明選賢任能更新治化維宗社如泰山磐石之安臣等依在寵光亦恒獲出作入息之樂政務簡澁謂休戚惟均具也蓋臣之所陳者言也陛下之所採用者行也既可

乘之必斷行之則天下之人莫不懷德思奮良謀奇計
日陳於前矣其所裨益豈淺淺哉伏乞聖慈鑒察謹之
誠寬斧鉞之誅以來言路以福蒼生所有條件具列于
後臣不勝懇切戰懼之至謹具題知伏候聖旨計開六
件 一新政務臣惟今天下之以寄之五府六部都察
院而六部都察院尤要通政司內閣尤切竊見各部行
事彼此不相周知掌兵馬者不計錢穀之有無典禮樂
者不知刑罰之當否司造作者不察財用之多寡至於
總銓衡職風紀者不辨人才之賢否以致生民肥瘠不
暇恤國家政務難致詳惟我 太祖 太宗二聖深燭

其故特置通政司以周知庶務開內閣以專掌機密蓋
欲舍而一之也今在京在外大小事務悉由通政司出
納相承不廢自宣德逮今有大政事俱令內閣計議可
謂密切矣如蒙准言當茲更化之首乞勅勳舊大臣一
二員六部尚書都御史通政使各一員同掌機密學士
每日午朝退入內閣商論政務令各具所聞開寫揭帖
不拘多少俟定論可否詳審達於聖聰次第施行日日
如此則同心同德政務齊一無彼此推遜之失矣如除
拜中外大臣選授風憲近侍人才高下黜陟與夫錢糧
雷厲盈縮百姓流移疾苦四方水旱災傷刑名大小輕

重上徒造作緩急一切之務皆可以周知而互舉其為
國家之慮豈不長遠哉伏惟 皇上勵精圖治廣詢博
采選用此十數大臣此十數大臣祇承德意竭誠殫慮
三公至明薦用天下布政司按察使二三十人又令此
二三十人如在廷各大臣訪察選舉天下府州縣正官
上下相師各簡賢才治化之盛孰能禦哉此臣愚欲更
新政務者此也且大臣為陛下心腹股肱賢則國家有
賴生民蒙福端本澄源誠在於此其或有缺不宜輕授
寧虛位以待之孟子曰左右皆曰賢未可也大夫皆曰
賢未可也國人皆曰賢然後察之見賢焉然後用之如

此則得人必審矣書曰知人則哲能官人又曰官不必
備惟其人此之謂也夫疏數異時煩簡異制求夫至當
蓋所以推行祖宗之良法美意初非有擅加更改之事
伏乞宸衷留意幸甚 一擇守令臣惟國家之治貴乎
生民之安生民之安本乎守令之得人方令郡縣之官
玉石不分賢否無別庸庸貪鄙者何以保位卓卓有為
者又亦隨流以致黎庶不安盜賊充斥良由激勸黜陟
之不精其法耳如蒙准言乞勅吏部先於考滿官內察
其以經術出身有才堪長民者不拘府州縣佐貳首領
官及教官量加陞擢以風厲之然後移文天下巡按監

察御史布政按察二司正佐官及府州縣正官凡復命
并考滿至京日務令以所轄官屬賢否造冊進呈明白
書填某也廉公以某事而知之某也幹濟以某事而驗
之某也貪酷柔懦以某事而得之善善不拘負數惡惡
為之限制其察舉必當與否亦足以課其績之殿最吏
部專委考功官一負月季歲終清類其賢者俟其一考
二考三考到部參稽其平日所報之績面質以當時對
答之詞言之如所行行之如所言則其人果才且賢矣
復預錄禮部前後所收民情本俾各官剖決是非以試
其識見再令自陳為政條件以究其蘊蓄然後列其等

第引赴御前陞擢以為守令若其見任有治績者誠如
詔書所載拔擢旌異以激勸之則未用者知自勉已用
者思自重生民豈不安治化豈不成乎更守令考滿必
以古者六事八計之效課責之庶幾有所遵守勸懲如
此則郡縣無偷惰之官田野無不安之民風俗日厚盜
賊自息矣一將及風憲臣聞養鷹鷂者欲用其鷲使鷲
而推抑之則思奮者鮮矣令之御史劾職已不多見又
或任用之不重其權督責之不嚴其法以故奇才異能
之上往往囊括其口不敢有言退縮其心不敢有為而
且曰職廢風紀頹矣非伏覲詔書所載深燭其弊矣如蒙

准三乞勅吏部嚴選舉以求其人朝廷申獎勸以勵其
氣薄罪責以崇其勢庶幾臣僚臧否軍民利病日得達
聞而政治不雍風紀振舉臣愚以為凡御史選授之際
宜令吏部并都察院堂上官嚴加詢察其才行學識超
異果堪職任者用之考滿之日稽其在任言事切實糾
舉公當是為稱職不次擢用不稱者罷黜之則人人自
相勉勵矣臣又聞之南京邦本重地庶府百司政務多
端倉庫收支令其關防營造始末令其會計軍士差役
令其考察或有舊規多事虛文令後宜申明委同六科
給事中勤加考察刑項等事月季類列奏報倘或縱容

不實罪罰均之恃權貪黷令相糾覈必罪不宥庶風憲
有剛果之士官吏懷警懼之心政事無欺弊之失矣
一嚴操備臣惟兵者安邦禦侮之計古昔帝王莫不留
意克詰戎兵張皇六師著於書戒我師旅王奮厥武形
於詩皆粲然可考也洪惟我聖朝自京畿以及天下邊
方各設衛所以為防禦至計深慮周密詳審是以八十
餘年四海乂寧人生樂業無烽火并堠之警猗歟盛矣
臣伏觀 太祖高皇帝定鼎之地郊廟社稷陵寢所在
府庫之盛江山之壯北京資之以為重也糧餉易致但
軍馬宜多選練以固邦本北京聖駕臨駐之所百官之

宣王馬之盛操練精嚴但倉糧宜多積貯以係人心天下衛所承平日久士卒偷安軍政廢弛宜高城深池堅甲利兵整飭戎伍以懼奸盜此三者方今之急務也如蒙准言南京乞勅守備大臣將教場江上軍士勤加操練恪遵詔書所載一應不急之務悉皆停罷或有役占等項審察禁革許都御史委監察御史同給事中時常點視所有利弊責令陳說則軍威自振北京乞勅該部審勘直隸及山東河南近畿田地廣闊處所分遣軍士召募人民屯種建官職部率勸課之寬其徭役減其稅額歲豐官給價錢收糴置倉於近水有城池處所額放

既闢荒蕪又省漕運則糧儲斯羨其在外衛所軍數有缺設法增補又或召募民間武勇之人別編總小甲仍支月糧以資養贍示以約信有故不取戶丁填補許所在府州縣正官或廉能佐貳官統領與衛所官同加訓練無事督令耕種有警躬率征討俟其有功爵賞均之俾知奮激倘或一方不靖朝廷止命一二大將賞賜書一通符驗一道調遣分撥旬日可集民不知兵用不加費則奸盜自懼臣之愚見所陳特其大略若夫厚耕桑力本之務禁游手游食之徒盡足兵裕民之道設施措置且垂示天下宜俾左右大臣計議精詳行之庶為永圖書曰

判治于未亂保邦于未危伏乞聖明留意幸甚 一重
邊政臣惟今日天下之事甚重大當計慮者莫愈於邊
務醜虜包藏禍心非一朝夕貢使往來累歲增益不容
不察但貴實本源以勝之耳夫邊陲防禦所資者軍士
軍士元氣所關者衣食竊聞軍士月糧一石未能全得
戶內餘丁役占多端仰事俯育了然無措饑寒窘迫艱
苦莫陳所在若斯奚有鬪志如蒙准言乞勅選差強幹
大臣同御史給事中委之便宜行事踏勘塞下田地驗
軍士丁力多寡悉以給之或係各官者朝廷以價酌之
其有多餘則召募人耕官給牛具薄收其租平居無事